

verdeelt de
Maximum vun
äere Stëmmen
op der...

LËSCHT
5



D'PIRATE FIR EN CITY BUS

Als eng vun de flächeméisseg gréisste Gemengen ass den öffentliche Transport zu Clärréf e wichtegt Thema. Dat ëmsou méi wou Clärréf als sougenannte zoukënftege *Futurehub* och nach e Lycée krëtt, deen Dag fir Dag honnerte Schüler aus der ganzer Region unzitt.

D'Clärrwer Piraten sinn der Meenung, datt an deene leschte Joeren et verpasst gouf, der Gemeengefusioon an der domadder zesammenhängenden Ufuederung vum den Awunner (ë.a. beim öffentlichen Transport) Rechnung ze droen. Nëmmen duerch eng besser Vernetzung vun den 17 Uertschaften an

8 Lieu-diten kann eis Fusioonsgemeng esou zesummewuessen, wéi et geduecht war.

Mir setzen eis dofir dir d'Schaafung vun engem **City Bus** an, deen d'Uertschaften z.B. als Réng-Linn mat Clärréf verbënnt. Dëst erméiglecht et, datt jiddweree seng Kommissiounen an de gréisseren Uertschaften maache kann an datt d'Behördegäng op der Gemeng, bei der *Gesondheetskees* oder der *Post* nach méi einfach ginn. Och fir d'Touristen, déi déi ënnerschiedlech Ecker aus eiser Gemeng erfuersechen wellen, giff en unkomplizéierte **City Bus** entgéint kommen. Doriwwer eraus sollen d'**Vélospisten** ausgebaut an

d'Uertschaften méi Vélofuererfrëndlech ginn.

Mir begréissen et ausserdeem, datt den Nohaltegkeets- an Transportministère déi laangjäreg Piratefuerderung vun den Nuetszich ëmgesat huet. Nodeems verschidde Südgemengen scho reagéiert hunn an d'Horären vum TICE-Busréseaux dësen Nuetszich ugepasst hunn, wëlle mir, datt d'Clärrwer Gemeng och un engem Modell schafft, fir datt all d'Awunner aus der Gemeng vun dëser Offer profitéieren kënnen: de vun eis proposéierte **City Bus** sollt dann och opmannst eemol an der Nuecht um Weekend fueren.

Eise komplette Programm an eis Kandidaten fannt dir natierlech op eiser Websäit:

HTTP:// **KLIERF.PIRATEN.LU**